

Na osnovu člana 80. do 88. Zakona o visokom obrazovanju Kantona Sarajevo („Službene novine Kantona Sarajevo“, broj 43/08) i Pravila studiranja za drugi ciklus studija na Univerzitetu u Sarajevu usvojena od strane Senata Odlukom broj:01-I-3373/08 od 18.06.2008.godine, Univerzitet u Sarajevu, o b j a v l j u j e

KONKURS
za upis studenata u prvu godinu drugog ciklusa studija na Univerzitetu u Sarajevu
u školskoj 2009/2010. godini

Konkurs se raspisuje za upis u prvu godinu drugog ciklusa studija u školskoj 2009/2010. godine, koji se organizuje na fakultetima i akademijama Univerziteta u Sarajevu (u daljem tekstu: organizacione jedinice).

Prijave na konkurs za upis podnose se organizacionim jedinicama od 24.08. og do 01.09. 2009. godine.

Ukoliko je za prijem studenata predviđeno polaganje prijemnog ispita svaka organizaciona jedinica će utvrditi datum i raspored polaganja prijemnog ispita, kao i sadržaj i način polaganja prijemnog ispita, koje će na svojim oglasnim pločama objaviti.

Prijemni ispiti će se završiti do 7. septembra 2009. godine.

Upis primljenih studenata obaviti će se u periodu od 14. do 18. septembra 2009. godine, s tim da organizacione jedinice koje popune upisnu kvotu, upis mogu vršiti i prije predviđenog termina, a po okončanju žalbenog roka.

Odluka Vlade Kantona Sarajevo o davanju saglasnosti na visinu participacije cijena usluga i školarina Univerziteta u Sarajevu, te fakulteta i akademija u njegovom sastavu biti će objavljena na oglasnim pločama i web stranicama svih fakulteta i akademija Univerziteta u Sarajevu u toku trajanja ovog Konkursa.

Djeca šehida i palih branitelja i djeca bez oba roditelja koji prvi puta upisuju prvu ili odgovarajuću godinu studija po starom ili Bolonjskom sistemu studiranja oslobođeni su obaveze plaćanja upisnine u iznosu od 100,00 KM (stotinu konvertibilnih maraka).

OPĆE ODREDBE

U prvu godinu studija u školskoj 2009/2010. godini kandidati se upisuju u skladu sa planom upisa studenata.

Pravo učešća na Konkurs, pod jednakim uvjetima, imaju državljani Bosne i Hercegovine i strani državljani sa završenim prvim ciklusom studija ili završenim VII stepenom studija u Bosni i Hercegovini, kao i kandidati koji su prvi ciklus, odnosno VII stepen studija završili izvan Bosne i Hercegovine, a za koje je nakon postupka nostrifikacije odnosno ekvivalencije utvrđeno da imaju završeno adekvatno obrazovanje za nastavak školovanja.

Izuzetno, kandidati koji su studij školu završili izvan Bosne i Hercegovine imaju pravo učešća na Konkurs i prije izvršene nostrifikacije, odnosno ekvivalencije diplome o završenom studiju u inostranstvu, ali se u prvu godinu studija mogu upisati nakon izvršene nostrifikacije, odnosno ekvivalencije o završenom studiju u inostranstvu, a najkasnije do početka školske 2009/2010. godine.

Ukoliko ovi kandidati prilikom predaje dokumentacije za upis nemaju nostrificiranu svjedodžbu, organizaciona jedinica je dužna zaprimiti ostalu dokumentaciju i uključiti kandidata u postupak za upis prema odredbama člana 88. Zakona o visokom obrazovanju Kantona Sarajevo u kojem se navodi da kandidat koji ispunjava uvjete konkursa, a nalazi se na rang-listi kandidata koji su položili prijemni ispit u okviru odobrene kvote studenata za upis na tu visokoškolsku ustanovu, može se upisati u prvu studijsku godinu prvog ciklusa studija nakon izvršene nostrifikacije, odnosno ekvivalencije svjedočanstva, a najkasnije do početka studijske godine.

U izuzetnim slučajevima kandidat se može uvjetno upisati u prvu studijsku godinu prije izvršene nostrifikacije odnosno ekvivalencije svjedočanstva, uz prezentiranje potvrde da je postupak nostrifikacije odnosno ekvivalencije po njegovom zahtjevu u toku i da kašnjenje u donošenju odgovarajućeg rješenja nije rezultat njegovog propusta koji mu se može staviti na teret.

Prijem i upis studenata u prvu godinu studija provodi posebna komisija koju imenuje nadležni organ organizacione jedinice.

Izbor kandidata vršit će se na osnovu Odluke o kriterijima i mjerilima za utvrđivanje redoslijeda prijema kandidata za upis studenata u prvu godinu studija na Univerzitetu u Sarajevu koja je sastavni dio ovog konkursa, kao i pojedinačnih kriterija organizacionih jedinica za vrednovanje ocjena iz predmeta relevantnih za odgovarajući studijski program i vrednovanja rezultata prijemnih ispita ukoliko su predviđeni.

Prijemni ispit vršit će se testom ili drugom pismenom formom u ovjerenom duplikatu od čega jedna kopija ostaje organizacionoj jedinici, a druga kandidatu.

Preliminarnu rang-listu svih primljenih i prijavljenih kandidata visokoškolske ustanove će objaviti na oglasnoj ploči nakon što je verificira nadležno tijelo, najkasnije dva dana nakon isteka roka za podnošenje prijave na Konkurs.

Preliminarnu rang-listu svih primljenih i prijavljenih kandidata organizaciona jedinica će objaviti na oglasnoj ploči i web stranici nakon što je verificira nadležno tijelo, najkasnije dva dana nakon isteka roka za podnošenje prijave na Konkurs, odnosno najkasnije dva dana od posljednjeg dana polaganja prijemnog ispita.

Organizacione jedinice Univerziteta će na svojim oglasnim pločama i web stranicama dati potpune informacije o mjestu i vremenu predaje dokumenata za prijavu na Konkurs.

Za prijave na Konkurs za upis u prvu godinu studija kandidat je dužan predati slijedeće dokumente:

- zahtjev za upis u kome je naznačen odsjek na koji konkuriše,
- originalna diploma i dodatak diplomi (za studente koji su završili bolonjski studij) o prethodno završenom studiju u Bosni i Hercegovini, odnosno nostrificirana diploma za kandidate koji prethodni studij nisu završili u Bosni i Hercegovini (studenti Univerziteta u Sarajevu koji su završili prvi ciklus studija mogu, do izdavanja diplome i dodatka diplomi, predati uvjerenje o završenom studiju ukoliko se promocija i dodjela diploma vrši nakon završetka roka predviđenog za dostavljanje prijave za upis po ovom Konkursu),
- izvod iz matične knjige rođenih,
- uvjerenje o državljanstvu i
- druge dokumente relevantne za utvrđivanje broja bodova po kriterijima.

Prijave podnesene poslije utvrđenog roka, kao i nepotpune prijave neće se uzimati u razmatranje.

Ukoliko se u prvom upisnom roku ne primi planirani broj kandidata, organizacione jedinice Univerziteta mogu u septembru 2009. godine objaviti naknadni Konkurs.

Pravo prijave na Konkurs i polaganje prijemnog ispita u septembarskom roku imaju svi kandidati koji konkurišu prvi put za upis, kao i kandidati koji su konkurisali u prvom roku, a nisu položili prijemni ispit ili su zbog ograničenog broja kandidata odbijeni.

Univerzitet i organizacione jedinice obavezni su da prije upisa studenata u studijsku godinu na javan i transparentan način objavom na oglasnoj ploči i svojoj WEB-stranici upoznaju sve studente sa pravilima studiranja, nastavnim planom i programom, te akademskom titulom i stručnim zvanjem koje se stiče nakon završetka studija.

ODLUKA

O KRITERIJIMA I MJERILIMA ZA UTVRĐIVANJE REDOSLIJEDA PRIJEMA KANDIDATA ZA UPIS U PRVU GODINU DRUGOG CIKLUSA STUDIJA NA UNIVERZITETU U SARAJEVU U ŠKOLSKOJ 2009/2010. GODINI

Član 1.

Ovom odlukom utvrđuju se zajednički kriteriji i mjerila za bodovanje i upis kandidata u prvu godinu drugog ciklusa studija na organizacione jedinice (fakultete i akademije) Univerziteta u Sarajevu u školskoj 2009/2010. godini.

Član 2.

Kandidat za upis obavezan je podnijeti prijavu i priložiti dokumente predviđene konkursom.

U slučaju da je broj prijavljenih kandidata veći od broja utvrđenog u konkursu odabir kandidata, koji su stekli pravo za upis, vrši se na konkurentskoj osnovi u skladu sa rezultatima postignutim na prvom ciklusu studija.

Rezultati koji se vrednuju kod rangiranja su postignute ocjene u toku studija i dužina trajanja studija.

Rangiranje se vrši nakon provedenog postupka bodovanja.

Bodovanje se vrši tako što se ocjenama u skladu sa (E)CTS skalom dodjeljuje:

- ocjeni A 10 bodova
- ocjeni B 9 bodova
- ocjeni C 8 bodova
- ocjeni D 7 bodova
- ocjeni E 6 bodova

Dodijeljeni broj bodova množi se sa odgovarajućim brojem (E)CTS bodova za svaki predmet pojedinačno i tako dobiveni proizvodi se sabiraju.

Konačni broj bodova se određuje tako što se dobiveni zbir prvo podijeli sa ukupnim brojem bodova na studijskom programu, a zatim i sa brojem semestara provedenim na prvom ciklusu studija.

Organizacione jedinice mogu propisati i dodatni kriteriji za rangiranje kandidata (adekvatne nagrade, ispit, priloženi radovi i sl.).

Konačan broj bodova utvrđuje se sabiranjem bodova po svim kriterijima navedenim u stavu (7) i (8) ovog člana.

Član 3.

Postupak provođenja ove odluke vrši komisija koju imenuje nadležni organ organizacione jedinice.

Na organizacionim jedinicama na kojima se polaže prijemni ispit, komisija je dužna da obezbijedi tajnost ispitnog materijala i druge relevantne dokumentacije.

Nakon zbrajanja bodova, za svakog kandidata pojedinačno, po svim osnovama iz ove odluke, komisija sačinjava rang-listu svih kandidata i spisak primljenih kandidata i oglašava ih na oglasnoj ploči nakon što ih usvoji nadležni organ, a u roku utvrđenom u Konkursu.

Na objavljenu rang-listu kandidati mogu uložiti pismeni prigovor nastavnonaučnom odnosno nastavno-umjetničkom vijeću organizacione jedinice u roku od tri dana od dana objavljivanja liste.

Ukoliko kandidat ima prigovor na rezultate postignute na prijemnom ispitu, prigovor dokazuje ovjerenim duplikatom testa sa prijemnog ispita.

Nastavnonaučno odnosno nastavnoumjetničko vijeće organizacione jedinice dužno je da u roku od tri dana odlučiti o prigovoru i o tome obavijesti kandidata.

Odluka nastavnonaučnog odnosno nastavnoumjetničkog vijeća je konačna.

Konačni spisak upisanih studenata u svim statusima organizaciona jedinica obavezna je objaviti najkasnije dva dana nakon isteka roka za donošenje odluke po izjavljenom prigovoru i dostaviti Ministarstvu najkasnije sedam dana prije početka studijske godine.

Član 4.

Kandidati koji, u skladu sa Konkursom, budu primljeni na Univerzitet, za upis u prvu godinu studija, pored već predatih dokumenata, podnose:

- upisni, semestralni list i ŠV obrazac,
- upisnicu –indeks,
- podatke o zdravstvenom stanju – ljekarsko uvjerenje (izdaje ga Zavod za zaštitu zdravlja studenata Univerziteta u Sarajevu).

Kada se na jedinstvenoj listi kandidata, koji su po osnovu kriterija za upis studenata utvrđenih odlukom Vlade Kantona Sarajevo broj: 02-05-3236-5/08 od 07. 02. 2008. godine u predviđenoj kvoti upisa, nađe određeni broj kandidata iz država nastalih nakon raspada SFRJ, lista primljenih kandidata se proširuje za taj broj kandidatima državljanima BiH najviše do 4% studenata u statusu za koji konkurišu (redovni, redovni samofinansirajući i vanredni).

Kada izračunati procenat broja studenta u odnosu na maksimalno utvrđenu kvotu kandidata iz država nastalih nakon raspada SFRJ, nije cijeli broj, u tom slučaju vrši se zaokruživanje procentualne vrijednosti u korist kandidata na slijedeći cijeli broj.

Ukoliko se na listi kandidata u kvoti do 4% nalazi više kandidata iz država nastalih nakon raspada SFRJ koji ostvare isti broj bodova, primaju se svi kandidati u statusu za koji konkurišu, a lista se proširuje za taj broj kandidatima državljanima BiH.

Pod jednakim uvjetima iz ovih Kriterija, prednost imaju:

- djeca boraca-branitelja BiH,
 - djeca ratnih vojnih invalida,
 - djeca šehida i poginulih i nestalih boraca – branitelja i umrlih ratnih vojnih invalida,
 - djeca organizatora otpora,
 - djeca veterana – prvoboraca i
 - djeca nosilaca najviših ratnih priznanja
- (Čl. 1., 2., 5. i 24. Zakona o dopunskim pravima boraca-branitelja BiH-prečišćeni tekst („Sl. novine Kantona Sarajevo“, broj 9/07)“;

Član 5.

Invalidi sa utvrđenim stoprocentnim invaliditetom imaju pravo upisati se jedanput na određeni studijski program na Univerzitetu kao studenti budžetski finansiranih mjesta, pod uvjetima:

- a) da su položili prijemni ispit;
- b) da su sposobni obavljati praktične zadatke u nastavi;
- c) da su stekli pravo upisa na odgovarajući ciklus studija visokoškolske ustanove kao javne ustanove i
- d) da su dostavili dokaz nadležne institucije o statusu invalida i procentu invaliditeta.

Član 6.

Detaljnije informacije o mjestu i vremenu predaje dokumenata za upis, kao i druge relevantne informacije, bit će objavljene na oglasnim pločama i web stranicama organizacionih jedinica.

**PLAN UPISA STUDENATA U PRVU GODINU DRUGOG CIKLUSA STUDIJA
NA UNIVERZITETU U SARAJEVU
U ŠKOLSKOJ 2009/2010. GODINI**

Redni broj	NAZIV USTANOVE ODSJEK / STUDIJ	PREDVIĐENO trajanje drugo ciklusa studija (godine i (E)CTS)*	BROJ STUDENATA				
			Redovni studij – troškove studija snosi Osnivač	Redovni studij** - troškove studija snose sami studenti	Vanredni studij ***	Strani državljeni	<i>Ukupno</i>
1.	ARHITEKTONSKI FAKULTET	2	80			10	90
2.	EKONOMSKI FAKULTET	2	50	50**	100		200
3.	ELEKTROTEHNIČKI FAKULTET	2	154	21**		10	185
	Odsjek za automatiku i elektroniku		26	4		2	32
	Odsjek za elektroenergetiku		36	4		2	42
	Odsjek za računarstvo i informatiku		54	6		3	63
	Odsjek za telekomunikacije		38	7		3	48
4.	FAKULTET ZA KRIMINALISTIKU, KRIMINOLOGIJU I SIGURNOSNE STUDIJE	2	10	20**	15	5	50
5.	FAKULTET POLITIČKIH NAUKA	2	125	80**	80	10	295
	Politologija		25	15	15	2	57
	Sociologija		25	15	15	2	57
	Žurnalistika		25	15	15	2	57
	Sigurnosne i mirovne studije		25	15	15	2	57
	Socijalni rad		25	20	20	2	67
6.	FAKULTET SPORTA I TJELESNOG ODGOJA		50	10**	90	5	155
	Smjer sporta i tjelesnog odgoja	1	30	10**	10	5	55
	Smjer menadžment u sportu	2	10		40		50
	Smjer sport	2	10		40		50
7.	FAKULTET ZA SAOBRAĆAJ I KOMUNIKACIJE	1	20	12**		10	42
	Odsjek saobraćaj:						
	- Cestovni saobraćaj		5	3		3	11
	- Željeznički saobraćaj		5	3		2	10
	Odsjek komunikacije:						
	- Poštanske tehnologije		5	3		2	10
	- Komunikacijske tehnologije		5	3		3	11
8.	FILOZOFSKI FAKULTET	2	405	125**	235	20 (N)	785
01.	Odsjek za anglistiku						
	Jednopedmetni studij						
	A. Engleski jezik i književnost – književni smjer		10	5	5		20
	B. Engleski jezik i književnost – lingvistički smjer		10	5	5		20

	C. Engleski jezik i književnost - nastavni smjer		25	5	5		35
	D. Engleski jezik i književnost – prevodilački smjer		15	5	5		25
02.	Odsjek za bosanski, hrvatski i srpski jezik						
	Dvopredmetni studij A. Bosanski, hrvatski i srpski jezik i književnosti naroda BiH – nastavnički smjer		15	10	15		40
	<u>Jednopedmetni studij</u> A. Bosanski, hrvatski i srpski jezik – lektorski smjer		5	5	5		15
	B. Bosanski, hrvatski i srpski jezik + druga studijska grupa		5	5	5		15
03.	Odsjek za filozofiju i sociologiju						
	<u>Jednopedmetni studij</u> A. Filozofija -znanstveni smjer		5		5		10
	B. Filozofija – nastavnički smjer		15		15		30
	C. Sociologija – znanstveni smjer		5		5		10
	D. Sociologija – nastavnički smjer		15		15		30
04.	Odsjek za germanistiku						
	<u>Jednopedmetni studij</u> A. Njemački jezik i književnost – nastavnički smjer		20	10	10		40
	B. Njemački jezik i književnost – književni smjer		10	10	10		30
	<u>Dvopedmetni studij</u> A. Njemački jezik i književnost + druga studijska grupa		5	5	5		15
05.	Odsjek za historiju						
	<u>Jednopedmetni studij</u> A. Historija – nastavni smjer		10		5		15
	B. Historija – naučni smjer (oblast stari vijek – srednji vijek)		10		5		15
	C. Historija – naučni smjer (oblast novi vijek)		10		5		15
	Katedra za historiju/povijest umjetnosti						
	<u>Dvopedmetni studij</u> A. Historija umjetnosti (Studijska oblast: <i>Umjetnost na tlu BiH od 15. stoljeća do 1918. godine</i>) – znanstveni smjer + druga studijska grupa		5		5		10

	B. Historija umjetnosti (Studijska oblast: <i>Moderna i savremena umjetnost</i>) – znanstveni smjer + druga studijska grupa		5		5		10
	C. Druga studijska grupa + Historija umjetnosti (Studijska oblast: <i>Umjetnost na tlu BiH od 15. stoljeća do 1918. godine</i>) – znanstveni smjer		5		5		10
	D. Druga studijska grupa + Historija umjetnosti (Studijska oblast: <i>Moderna i savremena umjetnost</i>) – znanstveni smjer		5		5		10
06.	Odsjek za književnosti naroda BiH						
	<u>Dvopredmetni studij</u> A. Književnosti naroda BiH i bosanski, hrvatski i srpski jezik – nastavnički smjer		20		5		25
	<u>Jednopedmetni studij</u> A. Književnosti naroda BiH – naučni smjer		5		5		10
07.	Odsjek za komparativnu književnost i bibliotekarstvo						
	<u>Dvopredmetni studij</u> A. Komparativna književnost i bibliotekarstvo		10		5		15
	B. Komparativna književnost + druga studijska grupa		5		5		10
	C. Bibliotekarstvo + druga studijska grupa		5		5		10
	<u>Jednopedmetni studij</u> Komparativna književnost		10		5		15
08.	Odsjek za orijentalnu filologiju						
	<u>Jednopedmetni studij</u>						
	A. Arapski jezik i književnost – opći smjer		15		5		20
	B. Turski jezik i književnost – opći smjer		15		5		20
	<u>Dvopredmetni studij (Napomena)</u>						
	A. Arapski jezik i književnost + druga studijska grupa		10		5		15
	B. Turski jezik i književnost + druga studijska grupa		5		5		10
	Perzijski jezik i književnost + druga studijska grupa		5		5		10
	Na Dvopredmetni studij Arapskog jezika i književnosti i druge studijske grupe; Turskog jezika i književnosti i druge studijske grupe; i Perzijskog jezika i književnosti i druge studijske grupe upisat će se studenti, ukoliko Senat Univerziteta prihvati Plan i program ovih studijskih grupa						
09.	Odsjek za pedagogiju						
	<u>Jednopedmetni studij</u>						
	A. Pedagogija – strukovni smjer		15	15	5		35
	<u>Dvopredmetni studij</u>						
	A. Pedagogija – strukovni smjer + druga studijska grupa		5				5
10.	Odsjek za psihologiju						

	<u>Jednopedmetni studij</u>						
	A. Psihologija		30	30			60
11.	Odsjek za romanistiku						
	<u>Jednopedmetni studij</u>						
	A. Francuski jezik i književnost		15	5	10		30
	<u>Dvopedmetni studij</u>						
	A. Francuski jezik i književnost i italijanski jezik i književnost		10	5	5		20
	B. Francuski jezik i književnost + druga studijska grupa		5	5	5		15
12.	Odsjek za slavenske jezike i književnosti						
	<u>Jednopedmetni studij</u>						
	A. Ruski jezik i književnost – nastavni smjer		5		5		10
	A. Ruski jezik i književnost – lingvistički smjer		5		5		10
	(N) Napomena: prima se ukupno 20 stranih državljana na svim grupama (uz uslov da prilože potvrdu o aktivnom znanju bosanskog/hrvatskog/srpskog jezika)						
9.	GRAĐEVINSKI FAKULTET	2	130	25**			155
	Studij građevinarstva:						
	Odsjek za konstrukcije		30	5			35
	Odsjek za hidrotehniku		30	5			35
	Odsjek za saobraćajnice		30	5			35
	Studij geodezije-Odsjek za geodeziju		40	10			50
10.	MAŠINSKI FAKULTET	2	140			10	150
	Odsjek za energetiku, procesnu tehniku i okolinsko inženjerstvo						30
	- Smjer energetika		15				15
	- Smjer procesno inženjerstvo		15				15
	Odsjek za industrijsko inženjerstvo i menadžment		16				16
	Odsjek za mašinski proizvodni inženjering						30
	- Smjer proizvodne tehnologije, automatizacija i robotika		15				15
	- Smjer mehatronika u mašinstvu		15				15
	Odsjek za mašinske konstrukcije		16				16
	Odsjek za motore i vozila		16				16
	Odsjek za odbrambene tehnologije		16				16
	Odsjek za tehnologiju drveta		16				16
11.	MUZIČKA AKADEMIJA	1	22	17**	-	3 (N)	42
	Odsjek za kompoziciju		2	1	-	-	3
	Odsjek za dirigovanje:						
	- orkestarsko dirigovanje		1	-	-	-	1
	- horsko dirigovanje		-	1	-	-	1
	Odsjek za solo pjevanje		-	1	-	-	1

	Odsjek za klavir, udaraljke, harfu i srodne instrumente: - klavir - klavir korepeticija - udaraljke - harfa		3 1 1 1	1 1 - -	- - - -	- - - -	4 2 1 1
	Odsjek za gudačke instrumente: - violina - viola - violončelo - kontrabas - gitara		1 - 1 1 1	- - - - 1	- - - - -	- - 1 - -	1 - 2 1 2
	Odsjek za duhačke instrumente i harmoniku: - flauta - klarinet - truba - harmonika - saksofon		1 - - 1 -	1 - 1 1 -	- - - - -	1 - 1 - -	3 - 2 2 -
	Odsjek za muzikologiju i etnomuzikologiju: - muzikologija - etnomuzikologija		1 2	1 1	- -	- -	2 3
	Odsjek za muzičku teoriju i pedagogiju		4	6	-	-	10
	(N) Napomena: strani studenti koji samostalno plaćaju troškove studija						
12.	PEDAGOŠKI FAKULTET	1	90	70**	-	-	160
	Predškolski odgoj		30	20			50
	Razredna nastava		30	30			60
	Kultura življenja i tehnički odgoj		30	20			50
13.	POLJOPRIVREDNO- PREHRAMBENI FAKULTET	2	80 (N)	30**	30		140
	Odsjek: Biljna proizvodnja		20	10	10		40
	Odsjek: Zootehnika		20	10	10		40
	Odsjek: Ekonomika poljoprivrede i prehrambene industrije		20	5	5		30
	Odsjek: Prehrambene tehnologije		20	5	5		30
	(N)Napomena: Na svakom pojedinačnom studijskom programu u okviru svakog odsjeka nastava će biti organizovana samo ukoliko broj upisanih studenata bude najmanje 5. Maksimalan broj studenata koji se mogu upisati na jedan studijski program je 20.						
14.	PRAVNI FAKULTET	1	80	50**			130
15.	PRIRODNO-MATEMATIČKI FAKULTET	1 i 2	95	52**	213	15	375
	Odsjek za biologiju	1	25	10	60	10	105
	-Nastavnički smjer		5	2	20	2	29
	-Smjer biohemija i fiziologija		5	2	10	2	19
	-Smjer ekologija		5	2	10	2	19
	-Smjer genetika		5	2	10	2	19
	-Smjer mikrobiologija		5	2	10	2	19
	Odsjek za fiziku	1 i 2	10		37		47
	-Nastavnički smjer (Fizika)	1			5		5
	-Opći smjer (fizika)	1			12		12

	-Nastavnički smjer (Fizika)	2	10		20		30
	Odsjek za geografiju	2	15	15	26		56
	-Nastavnički smjer		5	5	20		
	-Regionalno i prostorno planiranje		5	5	3		
	-Turizam i zaštita životne sredine		5	5	3		
	Odsjek za hemiju	1	20	5	40		65
	-Nastavnički smjer		5		20		25
	-Opći smjer		15	5	20		40
	Odsjek za matematiku	2	25	22	50	5	102
	- Opći (teorijski) smjer		5	2	10	1	18
	- Primjenjena matematika		5	5	10	1	21
	- Nastavnički smjer (matematika)		5	5	10	1	21
	- Nastavnički smjer (mat. i info.)		5	5	10	1	21
	- Teorijska kompjuterska nauka		5	5	10	1	21
16.	ŠUMARSKI FAKULTET	2	40			10	50
	Odsjek šumarstva: „Održivo upravljanje šumskim ekosistemima“		30			5	35
	Odsjek hortikulture: „Pejzažna arhitektura“		10			5	15
	UNIVERZITET U SARAJEVU		1.581	552	763	108	3.004
	UKUPNO						

*Drugi ciklus studija vodi do akademskog zvanja magistra ili ekvivalenta, stečenog nakon završenog dodiplomskog studija, traje jednu ili dvije godine, a vrednuje se sa 60 odnosno 120 (E)CTS bodova, i to tako da u zbiru s prvim ciklusom nosi 300 ECTS bodova. (E)CTS studijski bodovi odgovaraju kriterijima Evropskog sistema prijenosa kredita – European Credit Transfer System – (E)CTS.

** Redovni studij = troškove studija snose sami studenti.

*** Vanredni studij = troškove studija snose sami studenti.

Visokoškolska ustanova obavezna je u svakom semestru organizirati nastavu „u učionici“ za vanredne studente, i to najmanje prve, osme i petnaeste sedmice svakog semestra, i o tome voditi urednu evidenciju, a što se detaljnije regulira Pravilima studiranja visokoškolske ustanove.

Vanredni studenti obavezni su prisustvovati oblicima provjere znanja kako je predviđeno izvedbenim planovima nastave na visokoškolskoj ustanovi, koji se, po pravilu, obavljaju u toku onih radnih sedmica u kojima se organizira i nastava za ove studente, a što se detaljnije regulira Pravilima studiranja visokoškolske ustanove.